

Ղուլիճան գեղում, մի գեղացի պեղում է Արեւապաշտական մի գերեզման 1909ին եւ գտնում է կարասի մէջ մի չորացած կմախք: Յայտնի բան է բիրտ գեղացին կարասը ջարդել էր, ոսկորները խորել էր. իսկ կարասից գուրս բերած բրօնզեայ գօտին, կէս մետրանոց երկաթէ նեղ ու կոր դաշոյնը պահել էր, որը ճարտարապետ Թորոմանը գնաց, գնեց եւ բերեց Լենինական. դաշոյնը եւ այդ գօտին երկար ժամանակ մնաց Լենինականում—Յակովբ Կարանեանի պահեստում, որտեղից վերցրի եւ նկարիչ Ռաֆայէլեանին ծրագրեցի, որ վերակազմէ այդ գօտին: Գօտին եւ վերակազմութիւնը ներկայիս Հայաստանի (Երեւանի) Թանգարանումն է:

Գօտին կազմուած է բրօնզից, երկայնութիւնը 75 սանտիմետր է, լայնութիւնը 20 սանտիմետր: Երկու ծայրերը համանման վիշապներով զարդարուած են եւ շարունակուած է վիշապների երկշարքը ամբողջ երկարութեամբ: Նկարն ունի կենդրոն, որից վիշապները դէպի ծայրերն են ուղղուած: Գօտին գեղին, փափուկ բրօնզից է շինուած, ինչպէս նկատելի է սկզբում ամրացրած է եղել կաշու վրայ, որի ծայրերը կապել են ճարմանդով: Քանդակները շատ նախնական են, ինչ որ մի կարծր ծայրով եւ թակով համանման փոսիկներ է խփած եւ այդ փոսիկներից կաղ-